

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

Коми Республикаса ВеськӖдлан котырлӖн ӧткымын шуӧмӧ вежсьӧмьяс пыртӧм йылысь

Коми Республикаса ВеськӖдлан котыр шуис:

1. Пыртны «Коми Республикаса экономика сӧвмӧдан, промышленносӧ да транспорт министерство йылысь» Коми Республикаса ВеськӖдлан котырлӖн 2020 во вӧльгым тӧлысь 5 лунся 542 №-а шуӧмӧ татшӧм вежсьӧм:

Коми Республикаса экономика сӧвмӧдан, промышленносӧ да транспорт министерство йылысь положениеын 14 пунктса 13 пунктв, кутшӧмӧс вынсьӧдӧма шуӧмӧн (1 №-а содтӧд), гижны тадзи:

«13) индӧ дӑнмуса проектной офисӧн юрнуӧдысьӧс Министерстволӧн тэчас юкӧдувьясӧн юрнуӧдысьяс лыдысь, кодьяс лоӧны Коми Республикаса канму гражданской служажӧйясӧн;».

2. Пыртны «Коми Республикаса ВеськӖдлан котырын да Коми Республикаса олӧмӧ пӧртысь власӧт органьясын проектной удж котыртӧм йылысь» Коми Республикаса ВеськӖдлан котырлӖн 2021 во косму тӧлысь 16 лунся 200 №-а шуӧмӧ татшӧм вежсьӧмьяс:

1) 2 пунктын «Коми Республикаса экономика сӧвмӧдан да промышленносӧт министерство» кывьяс вежны «Коми Республикаса экономика сӧвмӧдан, промышленносӧ да транспорт министерство» кывьясӧн;

2) 3 пунктын «системаын» кыв киритны;

3) 5 пунктын «Коми Республикаса экономика сӧвмӧдан да промышленносӧт министерствоӧс» кывьяс вежны «Коми Республикаса экономика сӧвмӧдан, промышленносӧ да транспорт министерствоӧс» кывьясӧн;

4) Коми Республикаса ВеськӖдлан котырын да Коми Республикаса олӧмӧ пӧртысь власӧт органьясын проектной удж котыртӧм йылысь положение, кутшӧмӧс вынсьӧдӧма шуӧмӧн (1 №-а содтӧд), гижны 1 содтӧд серти;

5) Коми Республикаса ВеськӖдлан котырын да Коми Республикаса олӧмӧ пӧртысь власӧт органьясын проектной уджлысь функциональной тэчассӧ, кутшӧмӧс вынсьӧдӧма шуӧмӧн (2 №-а содтӧд), гижны 2 содтӧд серти.

3. Тайӧ шуӧмыс вынсялӧ сійӧс официальной йӧзӧдан лунсянь. Тайӧ шуӧмлӧн 2 пунктса 4 да 5 пунктвьяслӧн выныс паськалӧ 2024 вося тӧвшӧр тӧлысь 1 лунсянь артмӧм инӧда йитӧдьяс вылӧ.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося урасьӧм тӧлысь 19 лун
85 №

Коми Республикаса Веськӧдлан котырлӧн
2024 во урасьӧм тӧлысь 19 лунся 85 №-а шуӧм дорӧ
1 СОДТӦД

«ВЫНСЬӦДӦМА
Коми Республикаса Веськӧдлан котырлӧн
2021 во косму тӧлысь 16 лунся 200 №-а шуӧмӧн
(1 №-а содтӧд)

Коми Республикаса Веськӧдлан котырын да Коми Республикаса
олӧмӧ пӧртысь власьт органьясын проектной удж котыртӧм йылысь

ПОЛОЖЕНИЕ

I. Панас

1.1. Тайӧ Положениеыс урчитӧ Коми Республика мутасын дінму, веркутя дінму, ведомствоясса проектьяс да пытшкӧсса (локальной) проектьяс (проектъясса уджтасьяс) збыльмӧдігӧн Коми Республикаса Веськӧдлан котырлысь да Коми Республикаса олӧмӧ пӧртысь власьт органьяслысь проектной удж котыртан пӧрадоксӧ.

1.2. Тайӧ Положение серти колӧ збыльмӧдны дінму, веркутя дінму да ведомствоясса проектьяс (проектъясса уджтасьяс) (водзӧ – проектьяс), кутшӧмъясӧс веськӧдӧма медшӧр могъясӧдз воӧдчӧм вылӧ, кутшӧмъясӧс урчитӧма:

а) «2024 воӧдз период вылӧ Россия Федерацияӧс сӧвмӧдан национальной медшӧр могъяс да стратегической могъяс йылысь» Россия Федерацияса Президентлӧн 2018 во ода-кора тӧлысь 7 лунся 204 №-а Россия Федерацияса Президентлӧн индӧдӧн да «2030 воӧдз период вылӧ Россия Федерацияӧс сӧвмӧдан национальной медшӧр могъяс йылысь» Россия Федерацияса Президентлӧн 2020 во сора тӧлысь 21 лунся 474 №-а индӧдӧн;

б) 2035 воӧдз период вылӧ Коми Республикаӧс социальной да экономика боксянь сӧвмӧдан стратегияӧн, кутшӧм вынсьӧдӧма Коми Республикаса Веськӧдлан котырлӧн 2019 во косму тӧлысь 11 лунся 185 №-а шуӧмӧн, Коми Республикаса канму уджтасьясӧн, Коми Республикаса нормативной инӧда актъясӧн;

в) Коми Республикаса Юралысьлӧн, Коми Республикаса Веськӧдлан котырон Юрнуӧдысьлӧн, Коми Республикаса Веськӧдлан котырон Юрнуӧдысьӧс вежысьяслӧн тшӧктӧмъясӧн.

1.3. Тайӧ Положениеыс паськалӧ Коми Республикаса олӧмӧ пӧртысь власьт органьясӧн збыльмӧдан проектьяс вылӧ, сы лыдын Коми Республикаын меставывса асвеськӧдлан органьяслӧн, учреждениеяслӧн пырӧдчӧмӧн, кодъяс серти Коми Республикаса олӧмӧ пӧртысь власьт органьяс збыльмӧдӧны учредительлысь уджъяссӧ да уджмогъяссӧ.

1.4. Тайö Положениелöн медшöр могъяс серти вöдитчöны татшöм кыввежöртасъясöн:

Коми Республикаса олöмö пöртысь власът органъясын проектнöй уджöн веськöдлан методология (водзö – проектнöй уджöн веськöдлан методология) – Россия Федерацияса да Коми Республикаса инöда актъяс, методическöй да веськöдлан документация, кутшöмъясöс дасътöма да вынсьöдöма Коми Республикаын проектнöй уджсö ладмöдöм да котыртöм да методика боксянь сйöс нуöдны отсалöм могысь;

федеральнöй проект, мый пырö национальнöй проектö (водзö – федеральнöй проект), – проект, кутшöм могмöдö йöзлы тöдчана бöртасъясöдз воöдчöм, национальнöй проекта могъяссö да налысь петкöдласъяссö, а сидзжö Сöветлöн, Сöветса президиумлöн, проектнöй комитетлöн либö кураторлöн помшуöм серти содтöд петкöдласъяссö збыльмöдöм;

дінму проект – проект, кутшöм могмöдö федеральнöй проекта, мый пырö национальнöй проектö, медшöр могъясöдз да (либö) петкöдласъясöдз воöдчöмсö да (либö) наöдз воöдчöмö пай пуктöмсö да мероприятияс (бöртасъяс) збыльмöдöмсö;

веркутя дінму проект – проект, кутшöм могмöдö Коми Республикаса канму уджтасъяслöн медшöр могъясöдз да петкöдласъясöдз воöдчöмсö да (либö) наöдз воöдчöмö пай пуктöмсö да налöн структурнöй элементъяслысь мероприятияс (бöртасъяс) збыльмöдöмсö, а сидзжö кутшöмöс веськöдöма медшöр могъясöдз, петкöдласъясöдз да бöртасъясöдз воöдчöм вылö сöвмöдан стратегическöй медшöр могъяс серти, кутшöмъясöс индöма 2035 воöдз период вылö Коми Республикаöс социальнöй да экономика боксянь сöвмöдан стратегияын;

ведомствоса проект – проект, кутшöм могмöдö Коми Республикаса канму уджтасъяслöн медшöр могъясöдз да (либö) петкöдласъясöдз воöдчöмсö да (либö) наöдз воöдчöмö пай пуктöмсö (сэк, кор ведомствоса проект лоö Коми Республикаса канму уджтаслöн структурнöй элементöн), а сидзжö мукöд петкöдласöдз воöдчöмсö да (либö) Коми Республикаса олöмö пöртысь власът органлысь урчитöм уджмогъяс серти мукöд мог олöмö пöртöмсö;

пытшкöсса (локальнöй) проект – проект, кутшöм могмöдö Коми Республикаса олöмö пöртысь власът органлöн торъя уджалан нырвизьясöдз да удж петкöдласъясöдз воöдчöмсö, мыйöн абу урчитöма сйöс збыльмöдöм вылö сьöмөн могмöдöмсö. Пытшкöсса (локальнöй) проект серти удж котыртан пöрадокыс урчитсьö Коми Республикаса лöсялана олöмö пöртысь власът органöн тайö Положениесö тöд вылö босьтöмөн;

проектнöй удж – удж (мераяслöн система), мый йитчöма проектъяс вöзйöмкöд, дасътöмкöд, збыльмöдöмкöд да помалöмкöд, а сидзжö найöс збыльмöдан бöртасъяс бöрся водзö видзöдöмкöд;

проектъяслöн чукöр – проектъяслöн чукöр (лыддьöг), кутшöмъясöс öтувтöма бура веськöдлöм могысь Коми Республикаöс сöвмöдан стратегическöй медшöр могъясöдз воöдчöм вылö;

проектъяслөн уджтас – өта-мөдкөд йитчөм проект да мероприятияяс чукөр, кутшөмъясөс өтүвтөма өти медшөр могөн да кутшөмъясөс өтүв координируйтөны сы могысь, медым кыпөдны өтүвья бөртаслунсө да веськөдланногсө;

проект вөзйысь – проектной уджө пырөдчысь, коді ыстө проект пыдди мероприятияяслысь чукөрсө збыльмөдөм йылысь вөзйөм;

проектлөн паспорт – документ, кытчө пыртөны проекта медшөр положенияссь, проекта могъяссь да петкөдласъяссь, йөзлы төдчана бөртасъяссь (сөмын дінму проектяс серти), проектлысь бөртасъяссь, проект збыльмөдөмсө сьөмөн могмөдөмсө, проектө пырөдчысьяссь, проект йылысь содтөд юөрсө, проект збыльмөдөм серти мероприятияяслысь плансө да проектлысь петкөдласъяс арталан методикаяслысь лыддьөгсө;

проектлысь паспорт вежөм вылө запрос – документ, кытчө пыртөма проектлысь параметръяс вежөм серти вөзйөм, кутшөмъясөс вынсьөдөма проектлөн паспортын да проектлөн сводной планын (эм кө), кытчө пыртөма вөзьян вежсьөмсө быд боксянь опишитөмсө, а сіджө проект вылө төдчөмсө сэк, кор вынсьөдөны проектлысь паспорт вежөм вылө запроссө;

проект збыльмөдөм йылысь отчет – документ, кытчө пыртөма отчетной периодысь проект збыльмөдан өтүвья статус, проектлөн медшөр рискъяс, проект серти медшөр могъяслөн да петкөдласъяслөн вежөртасъяс, проектлысь сьөмкүд збыльмөдөм, проектлөн бөртасъясөдз воөдчөм, проектлөн вежтасъяс да мероприятияяс йылысь проект збыльмөдөмсө мониторингөмлөн мыччөдъяс подув вылын юөрсө;

проект збыльмөдөм йылысь отчет – документ, кытчө пыртөма проект збыльмөдан кадколаст помасян кывкөртөдъяс серти проект збыльмөдөмсө мониторингтан мыччөдъяс подув вылын юөрсө, кытчө пыртөма шөр положенияссь, проект збыльмөдөм, проектлөн медшөр могъясөдз да петкөдласъясөдз воөдчөм, проектлөн бөртасъясөдз воөдчөм, проектлысь сьөмкүд збыльмөдөм, проектлысь вежтасъяссь збыльмөдөм йылысь өтывөтөм юөр;

проектлөн рискъяс да позянлунъяс – лоны вермана лоөмторъяс, кутшөмъяс налөн артмөм дырйи вермасны кызди лёка, сідзи и бура төдчыны проектлөн медшөр параметръяс вылө;

проектлөн медшөр мог – проект (проектясса уджтас) збыльмөдөмысь планируйтөм йөзлы төдчана буртор, мыйлөн эм сыөдз воөдчан кадколастъяс, кутшөмөс позьө муртавыны да сыөдз воөдчыны збыль условиясын, кор збыльмөдөны проектсө.

Тайө Положениеын вөдитчан мукөд кыввежөртасөн вөдитчөны вежөртасъясын, кутшөмъясөс урчитөма «Россия Федерацияса Веськөдлан котырын проектной удж котыртөм йылысь» Россия Федерацияса Веськөдлан котырлөн 2018 во йирым төлысь 31 лунся 1288 №-а шуөмөн да «Россия Федерациялөн цифрөвой экономика» национальной уджтас збыльмөдөмөн веськөдлан система йылысь» Россия Федерацияса Веськөдлан котырлөн 2019 во рака төлысь 2 лунся 234 №-а шуөмөн.

1.5. Коми Республикаса олмӧм пӧртысь власьт органьясын проектной уджӧ пырӧ:

1) Коми Республикаса канму эмбур объектьясӧ капиталной вложениясӧн сьӧмкуд инвестицияс пуктӧм;

2) Коми Республикаса канму эмбур объектьясӧ капиталной вложенияс збыльмӧдӧм вылӧ субсидияс сетӧм;

3) меставывса сьӧмкудьяслы Коми Республикаса республиканской сьӧмкудйысь субсидияс (мукӧд сьӧмкудкостса трансферт) сетӧм, сы лыдын муниципальной эмбур объектьясӧ капиталной вложенияс пуктӧм вылӧ;

4) юридической кывкутысьяслы сьӧмкуд инвестицияс да субсидияс сетӧм;

5) Коми Республикаса канму уджтасьяс збыльмӧдан юкӧнын канму политика да нормативной ладмӧдӧмсӧ бурмӧдӧм серти вӧзйӧмьяс дасьтӧм;

6) ышӧдана вот рӧскӧд збыльмӧдӧм;

7) Коми Республикаса канму уджтасьяс збыльмӧдан юкӧнын научно-исследовательской да опытно-конструкторской уджъяс котыртӧм да нуӧдӧм;

8) юӧртан системаяс лӧсьӧдӧм да сӧвмӧдӧм;

9) Коми Республикаса канму учрежденияслы капиталной вложенияс, вӧрзӧдтӧм эмбуркӧд операцияс збыльмӧдӧм, абу финансвой активьяс ньӧбӧм, а сӧдзжӧ проектной уджлӧн муртӧсьяслы лӧсялысь мукӧд мероприятие збыльмӧдӧм могысь торъя мога субсидияс сетӧм;

10) Коми Республикаса канму эмбурӧ пырысь капиталной стрӧитан объектьяс капиталной дзоньталӧм да дзоньталӧм;

11) проектной уджлӧн муртӧсьяслы лӧсялысь мукӧд уджалан нырвизь.

1.6. Дӧнму проектъяслысь паспортъяс да паспортъяс вежӧм вылӧ запросъяс, найӧс збыльмӧданног йылысь отчӧтьяс, а сӧдзжӧ мукӧд документ да юӧр, кутшӧмьясӧс дасьтӧны проектной удж збыльмӧдӧгӧн (дӧнму проектъяс серти), документъяс да юӧр кындзи, кытчӧ пыртӧма канму гусяторйӧ пырысь тӧдмӧгъяс, артмӧдӧны, сӧгласуйтӧны (ошкӧны), вынсьӧдӧны да сетӧны «Электронной сьӧмкуд» ӧтйӧза сьӧм овмӧсӧн веськӧдлан канму интегрируйтӧм юӧртан системаса национальной проектъясӧн веськӧдлан системаулын (водзӧ – «Электронной сьӧмкуд» система), а сӧдзжӧ Коми Республикаса проектной уджӧн веськӧдлан мукӧд системаын (водзӧ – дӧнму юӧртан системаяс) электронной документъясӧн налысь компонентъяссӧ да модульяссӧ уджӧ пыртӧм серти, кутшӧмьясӧс кырымалӧма йӧзлӧн вынсьӧдӧм квалификуйтӧм электронной кырымпасӧн, кодъясӧс уполномочитӧма урчитӧм пӧрадокын уджавны проектной уджӧн веськӧдлан орган нимсянь.

Дӧнму проектъяслысь да ведомстваса проектъяслысь паспортъяс да паспортъяс вежӧм вылӧ запросъяс, найӧс збыльмӧданногъяс йылысь отчӧтьяс, а сӧдзжӧ мукӧд документ да юӧр, кутшӧмьясӧс дасьтӧны

проектной удж збыльмөдигөн, документъяс да юөр кындзи, кытчо пыртөма канму гусяторйо пырысь төдмөгъяс, артмөдоны, сөгласуйтоны (ошкөны), вынсьөдоны да сетөны «Электронной съомкуд» системаын да (либө) дінму юөртан системаясын лөсялана компонентъяс да модульяс уджө пыртөм серти мыччөдъяссө, кутшөмъяс колөны Россия Федерацияса канму уджтасъяслөн структурной элементъясса параметръяссө, сы лыдын петкөдласъяссө, мероприятиеяссө (бөртасъяссө), найөс съөмөн могмөдөмсө, вежтасъяссө да мероприятиеясслысь объектъяссө (бөртасъяссө) мониторингом ыло, «Электронной съомкуд» системаын өтүвтны либө наөн юөрөн вежласъыны позянлунсө төд ыло босътөмөн.

Колө, медым тайө пунктса мөд абзац серти «Электронной съомкуд» системаө сетөм юөрлөн тэчасыс да форматыс лөсялісны корөмъяслы, кутшөмъяссө йөзөдөма «Өтүввез» юөртан да телекоммуникация везйын Россия Федерацияса съом овмөс министерстволөн официальной сайтын.

«Электронной съомкуд» системалысь лөсялана компонентъяс да модульяс, дінму юөртан системаяс уджө пырттөдз индөм документъяссө да юөрсө артмөдоны, сөгласуйтоны (ошкөны), вынсьөдоны да сетөны бумага ылын документъясөн, кутшөмъяссө кырымалө морт, кодөс урчитөм пөрадокын уполномочитөма уджавны проектной уджөн веськөдлысь орган нимсянь.

Юөрсө да мыччөдъяссө чукөртөны да видлалөны, а сідзжө проектъяс збыльмөдөмсө анализируйтөны «Веськөдлөм» канму автоматизируйтөм юөртан системалөн национальной проектъяс збыльмөдөмсө анализируйтан системаулын (водзө – «Веськөдлөм» система) сылысь компонентъяссө да модульяссө уджө пыртөм серти да федеральной олөмө пөртысь власът органъяслөн, Коми Республикаса олөмө пөртысь власът органъяслөн да Коми Республикаын меставывса асвеськөдлан органъяслөн канму юөртан системаяскөд да мукөд юөртан системакөд өтүвтөм серти, кытчо пыртөма проектъяс збыльмөдөм йылысь юөрсө да мыччөдъяссө.

Юөрөн да мыччөдъяссөн, кутшөмъяссө босътөны да видлалөны «Веськөдлөм» системаын, медводз вөдитчөны «Электронной съомкуд» системаын да дінмуса юөртан системаясын сэк, кор проектной удж збыльмөдигөн лөсьөдоны документъяссө.

1.7. Дінму проектъяс збыльмөдан юалөмъяс серти проектной уджө пырөдчысыс костын юөрөн йитчөмыс артмө «Веськөдлөм» системаын «Проектной офисъяслөн өтүв уджалан система» системаулын (водзө – «ПООУС»).

Юөр, кутшөмөс лөсьөдоны да ыстөны «ПООУС» отсөгөн, а сідзжө сэнн йөзөдөмаыс, лөө проектной уджө лөсялана пырөдчысыслөн официальной юөрөн.

«ПООУС» отсөгөн юөрсө артмөдомыс, ыстөмыс да йөзөдомыс оз дугөд «Электронной съомкуд» системаын проектной удж збыльмөдигөн тайө Положениелөн 1.6 пункт серти юөрсө артмөдны, сөгласуйтны (ошкыны), вынсьөдны да сетны коланлунсө.

Россия Федерацияса Веськөдлан котырлөн проектной офис урчитө

«ПОӦУС» проектной уджӧ пырӧдчысьяслысь ӧтув уджалӧмсӧ.

1.8. Веркуя дінму проектыяслысь (проектясса уджтасяслысь), а сідзжӧ ведомствоса проектыяслысь (проектясса уджтасяслысь) петкӧдласьяссӧ арталӧны методикаяс серти, кутшӧмьясӧс дасьтӧма Коми Республикаса олӧмӧ пӧртысь власьт органьясӧн, кодьяс кывкутӧны лӧсялана проектыяс збыльмӧдӧм вӧсна, ведомствоса проектной офислӧн помшуӧм серти, кутшӧмьясӧс дасьтӧма да вынсьӧдӧма сэтшӧм условие дырйи, кор петкӧдласьяслысь значениеяссӧ индӧны дінмуын статистическӧя видзӧдан мыччӧдьяс подув вылын, сы лыдын муниципальной юкӧнъяслӧн тшупӧдын, либӧ мукӧд условие дырйи.

1.9. Дінму, веркуя дінму да ведомствоса проектыяссӧ (проектясса уджтасяяссӧ) дасьтӧны татшӧм принципьяссӧ тӧд вылӧ босьтӧмӧн:

1) дінму да (либӧ) веркуя дінму проектыяслӧн да ведомствоса проектыяслӧн (проектясса уджтасяяслӧн) паспортьясын (сэк, кор лӧсялана проектыяссӧ збыльмӧдӧны Коми Республикаса канму уджтасяяслыдын) Коми Республикаса канму уджтасяяслӧн петкӧдласьясӧдз воӧдчӧм вылӧ налысь тӧдчӧмсӧ петкӧдлӧм;

2) веркуя дінму проектыясын (проектясса уджтасяясын) бӧртасьяс да мероприятиеяс мӧдпӧлалӧмсӧ дугӧдӧм, кутшӧмьясӧс пыртӧма дінму проектыясӧ да мукӧд веркуя дінму проектӧ (проектясса уджтасӧ);

3) дінму проектыяслӧн паспортьясын йӧзлы тӧдчана бӧртасьяяссӧ петкӧдлӧм, кутшӧмьяс веськыда тӧдчӧны гражданагысь олӧмсӧ бурмӧдӧм да ашӧр удж нуӧдан условиеяссӧ бурмӧдӧм вылӧ;

4) дінму, веркуя дінму да ведомствоса проектыяслӧн (проектясса уджтасяяслӧн) вӧзьян мероприятиеяслысь (бӧртасьяслысь) окталунсӧ, тырманлунсӧ да коланлунсӧ подулалӧм, а сідзжӧ Коми Республикаса канму уджтасяяслысь медшӧр могьяссӧ да (либӧ) петкӧдласьяяссӧ, татшӧм дінму, веркуя дінму да ведомствоса проектыяслӧн (проектясса уджтасяяслӧн) петкӧдласьясӧдз воӧдчӧм вылӧ налысь тӧдчӧмсӧ петкӧдлӧм;

5) дінму, веркуя дінму да ведомствоса проектыяслысь (проектясса уджтасяяслысь) мероприятиеяссӧ (бӧртасьяяссӧ) медводз збыльмӧдӧм, кутшӧмьяс сетӧны позянлун бурмӧдны либӧ чинтыны водзӧ мунысь мероприятиеяслысь (бӧртасьяслысь) донсӧ;

6) дінму да (либӧ) веркуя дінму проектлӧн (проектясса уджтасяяслӧн) паспортын дінму да (либӧ) веркуя дінму проектлӧн (проектясса уджтасяяслӧн) медшӧр могьясӧдз да петкӧдласьясӧдз воӧдчӧмӧ муниципальной юкӧнъяслысь пайсӧ петкӧдлӧм Россия Федерацияса Веськӧдлан котырса Аппаратлӧн 2022 во сора тӧлысь 1 лунся П6-53625 №-а письмӧсӧ тӧд вылӧ босьтӧмӧн;

7) 2030 воӧдз Коми Республикаӧс социальной да экономика боксянь сӧвмӧдан торья мога индикаторьяс вылӧ, а сідзжӧ национальной медшӧр могьясӧдз да торья мога петкӧдласьясӧдз воӧдчӧм вылӧ веркуя дінму проектыяслӧн да ведомствоса проектыяслӧн (проектясса уджтасяяслӧн) бӧртасьяслысь да петкӧдласьяслысь тӧдчӧмсӧ петкӧдлӧм, кутшӧмьясӧс индӧма «2030 воӧдз период вылӧ Россия Федерацияӧс сӧвмӧдӧмын

национальной медшөр могъяс йылысь» Россия Федерацияса Президентлөн 2020 во сора тöлысь 21 лунся 474 №-а Индöдөн да кутшöмъясöс абу пыртöма национальной проектьяслөн дінму юкөнö;

8) эмбур объектьяслысь, кутшöмъясöс лöсьöдöны (нбöбöны) дінму, верктуя дінму да ведомствоса проектьяс (проектъясса уджтасъяс) збыльмöдöм серти, коланлунсö, а сідзжö найöс видзан донсö да найöс сьöмөн могмöдан öшмöсьяссö донъялöм;

9) верктуя дінму проектьяслысь да ведомствоса проектьяслысь мероприятияяссö збыльмöдöмыс сетас содтöд пöльза лöсялана отрасль либö уджалан юкөн сöвмöдöм вылö (ресурсъяс видзтöм, верктуя дінму проектьяслөн да ведомствоса проектьяслөн мероприятияяслысь бöртаслунсö кыпöдöм).

1.10. Дінму проектьяссö сідзжö дасьтöны татшöм принципъяссö тöд вылö босьтöмөн:

1) дінму проектьяслөн паспортъясын Россия Федерацияöс сöвмöдан национальной медшөр могъясöдз да торъя мога петкöдласъясöдз воöдчöм вылö налысь тöдчöмсö петкöдлöм;

2) дінму проектлөн (проектъясса уджтасъяслөн) паспортö федеральной проектлысь петкöдласъяссö пыртöм, кутшöмъясöс пыртöма федеральной проектлөн вынсьöдöм паспортö;

3) коланлун дырйи дінму проектö содтöд петкöдласъяссö пыртöм (кутшöмъясöс абу урчитöма федеральной проектлөн паспортөн), кутшöмъяс могмöдöны медшөр могъясöдз да петкöдласъясöдз воöдчöмсö, Коми Республикаын федеральной проектлысь могъяс олöмö пöртöмсö.

1.11. Ведомствоса да пытшкöсса (локальной) проектьяссö (проектъясса уджтасъяссö) вöзйöны, дасьтöны, збыльмöдöны да помалöны Коми Республикаса олöмö пöртысь власьт органъясын проектной удж котыртöм йылысь положениеяс серти, кутшöмъясöс вынсьöдöма Коми Республикаса олöмö пöртысь власьт органъяслөн тшöктöдъясөн либö мукöд инöда актөн, да дінмуса проектной офислөн методика боксянь рекомендацияс серти.

1.12. Сы могысь, медым збыльмöдны Коми Республикаса Вescкöдлан котырын да Коми Республикаса олöмö пöртысь власьт органъясын проектной уджсö, лöсьöдöны проектной уджөн вescкöдлысь органъяс.

Проектной уджөн вescкöдлысь органъяслысь уджъяссö индöны Коми Республикаса Вescкöдлан котырын да Коми Республикаса олöмö пöртысь власьт органъясын проектной уджлөн функциональной тэчасөн, кутшöмöс вынсьöдöма Коми Республикаса Вescкöдлан котырлөн 2021 во косму тöлысь 16 лунся 200 №-а шуöмөн (2 №-а содтöд), да збыльмöдöны тайö Положение серти.

II. Дінму да (либö) верктуя дінму
проект (проектъясса уджтасъяс) вöзйöм

2.1. Дінму да (либӧ) верктуя дінму проектсӧ (проектъясса уджтасъяссӧ) вермӧны вӧзйыны Коми Республикаса Веськӧдлан котырӧ пырысьяс, Коми Республикаса колана олӧмӧ пӧртысь власьт органьяс, Коми Республикаын меставывса асвеськӧдлан органьяс асьныс, а сідзжӧ Коми Республикаса Юралысьлысь тшӧктӧмьяс да (либӧ) индӧдьяс, Коми Республикаса Веськӧдлан котырлысь, Коми Республикаса Веськӧдлан котырӧн Юрнуӧдысьлысь тшӧктӧмьяс, Коми Республикаса Юралысь бердын стратегическӧя сӧвмӧдан да проектяс серти сӧветлысь (водзӧ – Сӧвет), Сӧветса президиумлысь либӧ национальной проектса кураторлысь помшуӧмьяс олӧмӧ пӧртӧм могьсь.

Верктуя дінму проектсӧ (проектъясса уджтасъяссӧ) сідзжӧ вермӧны вӧзйыны ӧтйӧза ӧтувьяс, наука да мукӧд организация.

Дінму проект вӧзьян подулӧн лоӧ йӧзлы тӧдчана бӧртасъясӧдз воӧдчӧмӧ да (либӧ) лӧсялана федеральной проектлысь могьяс, петкӧдласьяс олӧмӧ пӧртӧмӧ сылӧн пай пуктӧм.

Верктуя дінму проект (проектъясса уджтас) вӧзьян подулӧн лоӧ Коми Республикаса канму уджтаслӧн медшӧр могьясӧдз да (либӧ) петкӧдласьясӧдз воӧдчӧм вылӧ сылӧн тӧдчӧмыс (сэк, кор татшӧм проектсӧ кӧсйӧны збыльмӧдны Коми Республикаса канму уджтас серти), а сідзжӧ Коми Республикаса стратегическӧя планируйтан документъясын да (либӧ) Коми Республикаса нормативной инӧда актъясын индӧм могьяс вылӧ сылӧн тӧдчӧмыс.

Дінму проект вӧзйигӧн дасьтӧны дінму проектлысь паспортсӧ тайӧ Положениелӧн III юкӧдӧн урчитӧм пӧрадокын.

2.2. Верктуя дінму проект (проектъясса уджтасьяс) вӧзйигӧн проектсӧ вӧзйысь дасьтӧ верктуя дінму проект (проектъясса уджтасьяс) серти вӧзйӧм (водзӧ – верктуя проект серти вӧзйӧм), мый лоӧ верктуя дінму проект (проектъясса уджтасьяс) пыдди мероприятиеяслысь комплекс збыльмӧдӧм йылысь вӧзйӧм.

2.2.1. Верктуя дінму проект (проектъясса уджтас) серти вӧзйӧмсӧ дасьтан подулӧн вермасны лоны инӧда актъяс; тшӧктӧмьяс; могьяс да мытшӧдьяс, кутшӧмьяслӧн эм социальной тӧдчанлун, коланлун, экономика боксянь окталун; мытшӧдьяс, кутшӧмьяс эмӧсь либӧ вермасны лоны, кутшӧмьясӧс разьӧм вылӧ веськӧдӧма верктуя дінму проект збыльмӧдӧмсӧ, либӧ позянлуньяссӧ опишитӧм, кутшӧмьясӧн колӧ вӧдитчыны верктуя дінму проект вӧзйысьӧн вӧзьяна мероприятиеяслысь комплекс збыльмӧдӧмӧн.

Сэк, кор эм Коми Республикаса Юралысьлӧн, Коми Республикаса Веськӧдлан котырлӧн, Сӧветса президиумлӧн верктуя дінму проект (проектъясса уджтас) дасьтыны коланлун йылысь помшуӧм, верктуя дінму проект (проектъясса уджтас) серти вӧзйӧмьяссӧ дасьтыны да вынсьӧдны оз ков. Тайӧ случай дырйи лӧсьӧдӧны верктуя дінму проектлысь (проектъясса уджтаслысь) паспорт, а сідзжӧ верктуя дінму проектлысь (проектъясса уджтаслысь) сводной план (коланлун дырйи).

2.2.2. Верктуя дінму проект (проектъясса уджтас) серти вӧзйӧмӧ

пытöны проект ним, сылысь концепциясö дженъыда опишитöм, сылön медшöр могъяс да петкöдласъяс, кутшöмъясöдз воöдчöм вылö веськöдöма проектсö, могъяссö да бöртасъяссö, кутшöмъяс могмöдöны проектлön медшöр могъясöдз да петкöдласъясöдз воöдчöмсö, сійöс збыльмöдöм серти мероприятиеяс дженъыда опишитöм налысь окталунсö, тырманлунсö да коланлунсö подулалöмön, индöм проект збыльмöдан кадколастьяс да сьöмön могмöдан ыджа, проекта куратор, юрнуöдысь, администратор да сэтчö пырöдчысьяс йылысь юöр.

2.2.3. Веркутя дінму проект (проектъясса уджтас) вöзйысь ыстö проект серти вöзйöмсö дінмуса проектной офисö.

2.2.4. Дінмуса проектной офис веркутя дінму проект (проектъясса уджтас) серти вöзйöм воан лунсянь 3 уджалан лун чöжön пасйö проект серти вöзйöмсö, индö Коми Республикаса олöмö пöртысь власът органöс, кодлön уджмогъясö пырö веркутя дінму проект (проектъясса уджтас) збыльмöдан юкöнын инöда йитöдъяс ладмöдöм (водзö – кывкутысь орган).

2.2.5. Дінмуса проектной офис видлалö веркутя дінму проект (проектъясса уджтас) серти вöзйöмсö сы вылö, лöсялö-ö сійö проектной уджön веськöдлан методологиялы, сійöс пасъян лунсянь 5 уджалан лун чöжön да ыстö сійöс кывкутысь органö сöгласуйтöм вылö сэк, кор сійö оз ло веркутя дінму проект (проектъясса уджтас) вöзйысьön.

2.2.6. Кывкутысь орган 10 уджалан лун чöжön видлалö веркутя дінму проект (проектъясса уджтас) серти вöзйöмъяс.

Сэк, кор вензьöмъясыс абуöсь, кывкутысь орган согласуйтö веркутя дінму проект (проектъясса уджтас) серти вöзйöмъяссö Коми Республикаса колана олöмö пöртысь власът органъяскöд, Коми Республикаын меставывса асвеськöдлан органъяскöд, учреждениеяскöд, кутшöмъяс серти индöм органъяс збыльмöдöны учредитысьлысь уджъяссö да уджмогъяссö, да ыстö веркутя дінму проект серти вöзйöмсö дінмуса проектной офисö тайö пунктлön медводдза абзацön урчитöм кадколастö.

Дінмуса проектной офис ыстö веркутя дінму проект (проектъясса уджтас) серти сöгласуйтöм вöзйöмсö Сöветлön президиумö видлалöм вылö.

Сэк, кор эмöсь пасйöдъяс да вöзйöмъяс, кывкутысь орган ыстö веркутя дінму проект (проектъясса уджтас) серти вöзйöм вылö заключениесö дінмуса проектной офисö да юöртö проект вöзйысьлы тайö пунктса медводдза абзацön урчитöм кадколастö.

2.2.7. Дінмуса проектной офис кывкутысь органкöд да веркутя дінму проект (проектъясса уджтас) серти вöзйöмсö вöзйыськöд сёрнитчöмön примитö Коми Республикаса колана олöмö пöртысь власът органъяссянь, Коми Республикаын меставывса асвеськöдлан органъяссянь, учреждениеяссянь, кутшöмъяс серти индöм органъясыс збыльмöдöны учредитысьлысь уджъяссö да уджмогъяссö, веркутя дінму проект серти воöм пасйöдъяссö, вöзйöмъяссö да вöзйöм вылö заключениесö тöд вылö босьтöмön сійöс бурмöдны коланлун либö вöзъян проектсö збыльмöдны ковтöмлун йылысь помшуйтöм дінмуса проектной офисön урчитöм пöрадокын.

2.2.8. Кывкutyсь орган верктуя дінму проект серти вöзйöмсö вöзйыськöд öтвылысь Коми Республикаса колана олöмö пöртысь власьт органьяслöн, Коми Республикаын меставывса асвеськöдлан органьяслöн да учреждениеяслöн пырöдчöмөн, кутшöмьяс серти индöм органьясыс збыльмöдöны учредитысьлысь уджьясö да уджмогьясö, бурмöдö верктуя дінму проект (проектьясса уджтас) серти вöзйöмсö верктуя проект серти вöзйöм вылö заключениесö босьтан лунсянь 10 уджалан лун чöжөн.

2.2.9. Сэк, кор бурмöдöм вöзйöм серти вензьöмьясыс абуюсь, кывкutyсь орган ыстö верктуя дінму проект (проектьясса уджтас) серти сöгласуйтöм вöзйöмсö дінмуса проектнöй офисö тайö Положениелöн 2.2.8 пункты индöм кадколаст помасян лунсянь 3 уджалан лун чöжөн.

Верктуя дінму проект (проектьясса уджтас) серти сöгласуйтöм вöзйöмсö сетöны видлавны Сöветлöн президиумö.

2.2.10. Верктуя дінму проект (проектьясса уджтас) серти вöзйöмсö видлалан бöртасьяс серти Сöветлöн президиум примитö татшöм помшуюмьяс пиысь öтиöс:

1) верктуя дінму проектлысь (проектьясса уджтаслысь) паспорт дасьтыны коланлун да верктуя дінму проектöн юрнуöдысьöс индöм йылысь;

2) верктуя дінму проект (проектьясса уджтас) серти вöзйöмсö бурмöдны коланлун йылысь;

3) верктуя дінму проект (проектьясса уджтас) збыльмöдны ковтöмлун йылысь.

Сэк, кор колö бурмöдны верктуя дінму проект (проектьясса уджтас) серти вöзйöмсö, проектсö вöзйысь могмöдö сійöс бурмöдöмсö, Коми Республикаса колана олöмö пöртысь власьт органьяскöд, дінмуса проектнöй офискöд сöгласуйтöмсö Сöветлöн президиумөн верктуя дінму проект (проектьясса уджтас) серти вöзйöм бурмöдны коланлун йылысь помшуюм примитан лунсянь 10 уджалан лунысь оз дырджык кадколастö сетö сійöс Сöветлöн президиумö выль пöв видлалöм вылö.

Сэк, кор Сöветлöн президиум примитö верктуя дінму проектлысь (проектьясса уджтаслысь) паспорт дасьтыны коланлун йылысь помшуюм, верктуя дінму проектöн юрнуöдысь дасьтö верктуя дінму проектлысь (проектьясса уджтаслысь) паспорт.

III. Проект дасьтöм.

Проект дасьтöм серти панас

3.1. Дінму проектöн юрнуöдысь дасьтö проектлысь паспортсö федеральнöй олöмö пöртысь власьт органьяслöн да (либö) Коми Республикаса олöмö пöртысь власьт органьяслöн, Коми Республикаын меставывса асвеськöдлан органьяслöн, мукöд канму органлöн да организациялöн (налöн тэчас юкöдувьяслöн), кодьяс лоöны проектö лоны вермана пырöдчысьясөн, вöзйöмьяс подув вылын.

3.2. Проектлысь паспортсö, содтöд да подулалан материалъяссö (коланлун дырйи) дасътöны Россия Федерацияса Веськöдлан котырса проектной офислön методика боксянь рекомендацияс серти (водзö – методика боксянь индöдъяс (рекомендацияс).

3.3. Проектön юрнуöдысь могмöдö проектлысь паспортсö:

1) Коми Республикаса олöмö пöртысь власът органъяскöд, Коми Республикаын меставывса асвеськöдлан органъяскöд, мукöд канму органкöд либö организацияскöд сöгласуйтöмсö, кодъяс вермöны лоöны проектъясö пырöдчысысöн, – петкöдласъяс, мероприятиеяс (бöртасъяс), мероприятиеяслön (бöртасъяс) объектъяс, проектъяслön вежтасъяс серти, кутшöмъяс серти збыльмöдöны збыльмöдысыяслысь (öтув збыльмöдысыяслысь) уджмогъяссö;

2) Коми Республикаса сьöм овмöс министерствокöд сöгласуйтöмсö – проектъяс (мероприятиеяслön (бöртасъяс) проектъяс) серти, кутшöмъясöс сьöмön могмöдöны Коми Республикаса республиканскöй сьöмкуд сьöм тшöт весътö, сы лыдын кутшöмъясöс сьöмön могмöдан öшмöсöн лоöны федеральной сьöмкудйысь сьöмкудкостса трансфертъяс;

3) дінмуса проектной офискöд сöгласуйтöмсö;

4) Коми Республикаса канму уджтас кывкутöмön збыльмöдыськöд сöгласуйтöмсö – верктуя дінму проектъяс серти, кутшöмъясöс збыльмöдöны Коми Республикаса канму уджтасъяс серти.

Дінму проектлön паспорт

3.4. Дінму проектön юрнуöдысь, кодöс индöма проектной комитетлön помшуймön, дасътö дінму проектлысь паспортсö.

3.5. Дінму проектлысь паспортсö дасътöны лöсялана федеральной проектлысь параметръяссö, федеральной олöмö пöртысь власът органъяслысь, сэк, кор найö эмöсь, Коми Республикаса олöмö пöртысь власът органъяслысь, Коми Республикаын меставывса асвеськöдлан органъяслысь, мукöд канму органлысь да организациялысь, кодъяс лоöны дінму проектö лоны вермана пырöдчысысöн, вöзйöмъяссö тöд вылö босьтöмön.

Дінму проектлысь паспортсö дасътöны электронной документön, кутшöмлысь форматсö урчитöма «Электронной сьöмкуд» öтйöза сьöм овмöсöн веськöдлан канму интегриуйтöм юöртан система йылысь положениелön 11 пункт серти, кутшöмöс вынсöдöма Россия Федерацияса Веськöдлан котырлön 2015 во лöддза-номъя тöлысь 30 лунся 658 №-а шуöмön (водзö – «Электронной сьöмкуд» КИЮС йылысь положение).

3.6. Дінму проектлön паспортö пыртöны проектлысь нимсö, йöзлы тöдчана бöртасъяссö, национальной проектлысь могъяссö да петкöдласъяссö, кутшöмъясöдз воöдчöны дінму проект серти, мукöд могъяс, дінму проектлысь содтöд петкöдласъяссö, мероприятиеяссö (бöртасъяссö), вежтасъяссö, дінму проект збыльмöдан кадколастъяссö да сьöмön могмöдан став öшмöс тшöт весътö сьöмön могмöдан ыдждасö,

дінму проекта куратор, юрнуодысь, администратор да сэтчө пырөдчысьяс йылысь юөрсө, а сідзжө мукөд төдмөгсө.

3.7. Тайö Положениелөн 3.6 пункт серти дінму проектлөн паспортö лөсялана параметрьяссö пыртöны:

1) Коми Республикаын вояс, төлысьяс да муниципальной юкөнъяс серти петкөдласьяслысь значенияс планируйтөмсö төд вылө босьтөмөн (сэк, кор петкөдласьясөдз воөдчöмыс йитчöма меставывса төдчанлуна юалөмъяскөд);

2) Коми Республикаын збыльмөдан вояс серти да муниципальной юкөнъяс серти мероприятияслысь (бөртасьяслысь) вежөртасьяс планируйтөмсö төд вылө босьтөмөн (сэк, кор мероприятияс (бөртасьяс) збыльмөдöмыс йитчöма меставывса төдчанлуна юалөмъяскөд) мероприятияс (бөртасьяс) костын йитөдсö да вежтасьяс костын йитөдсö индөмөн;

3) сьöмөн могмөдөм планируйтөмсö төд вылө босьтөмөн вояс да төлысьяс серти збыльмөдан ыдждасö индөмөн да торъя мероприятияс (бөртасьяс) серти стөчмөдөмөн.

3.8. Дінму проектлөн петкөдласьяслысь значенияссö да сійöс збыльмөдан төлысьяс серти сьöмөн могмөдан ыдждасö планируйтöны öнiя во юкөннын (локтан во юкөннын – тайö Положениелөн 5.5.20 пункт серти быд во выльмөдігөн да планируйтігөн).

3.9. Дінму проектлөн содтөд да подулалан материалъясö пыртöны национальной проектлөн петкөдласьясөдз да дінму проектлөн петкөдласьясөдз воөдчöм вылө дінму проектлөн мероприятияслысь (бөртасьяслысь) төдчөмсö донъялөм, а сідзжө мукөд юөр.

Дінму проектлысь паспортсö, проектлысь содтөд да подулалан материалъяссö дасьтöны методика боксянь индөдъяс (рекомендацияс) серти.

3.10. Дінму проектлысь паспортсö сетöны видлалөм, сöгласуйтөм да вынсьөдөм вылө содтөд да подулалан материалъяскөд, а сідзжө дінму проектлөн петкөдласьяс серти рөштшөт вöчан методикаяскөд öтлаын.

Дінму проектлысь паспортсö видлалігөн проектлөн петкөдласьяс серти рөштшөт вöчан методикаяссö содтöны сэк, кор дінму тшупöдын пыртöма содтөд петкөдласьяс.